

1999 nr. 43 22. mars**Lög um tímabundnar endurgreiðslur vegna kvikmyndagerðar á Íslandi**

Tóku gildi 30. mars 1999. *Breytt með:* L. 177/2000 (tóku gildi 29. des. 2000), L. 129/2004 (tóku gildi 31. des. 2005), L. 159/2006 (tóku gildi 31. des. 2006), L. 39/2009 (tóku gildi 8. apríl 2009), L. 126/2011 (tóku gildi 30. sept. 2011), L. 158/2011 (tóku gildi 31. des. 2011), L. 58/2016 (tóku gildi 31. des. 2016), L. 147/2019 (tóku gildi 28. des. 2019), L. 83/2021 (tóku gildi 7. júlí 2021; um lagaskil sjá 8. gr.).

Ef í lögum þessum er getið um ráðherra eða ráðuneyti án þess að málefnavið sé tilgreint sérstaklega eða til þess vísað, er átt við **menningar- og viðskiptaráðherra** eða **menningar- og viðskiptaráðuneyti** sem fer með lög þessi.

I. kafli.

[*Markmið. Gildissvið.*]¹⁾

¹⁾ L. 177/2000, 1. gr.

■ 1. gr.

□ [Markmið laga þessara er að stuðla að eflingu innlendra menningar og kynningar á sögu landsins og náttúru með tímabundnum stuðningi við kvikmyndir og sjónvarpsefni sem framleitt er hér á landi.]¹⁾

¹⁾ L. 177/2000, 1. gr.

■ 2. gr.

□ [Heimilt er að endurgreiða úr ríkissjóði hlutfall af framleiðslukostnaði sem til fellur við framleiðslu kvikmynda eða sjónvarpsefnis hér á landi. [Við útreikning á endurgreiðslu er tekið mið af heildarframleiðslukostnaði kvikmynda eða sjónvarpsefnis án tillits til þess hvaða þáttur í framleiðslunni skapar þann kostnað.]¹⁾

□ Nú fellur meira en 80% af heildarframleiðslukostnaði kvikmynda eða sjónvarpsefnis til á Íslandi og skal þá endurgreiðsla reiknast af þeim heildarframleiðslukostnaði sem til fellur á Evrópska efnahagssvæðinu [auk Grænlands og Færeyja].²⁾

□ Með framleiðslukostnaði er átt við allan kostnað sem fellur til hér á landi og heimilt er að draga frá tekjum af atvinnurekstri samkvæmt ákvæðum laga um tekjuskatt . . .³⁾ [sbr. þó 5. gr. a].⁴⁾ Laun og verktakagreiðslur teljast eingöngu til framleiðslukostnaðar séu þau sannanlega skattlögð hér á landi.]⁵⁾

¹⁾ L. 158/2011, 1. gr. ²⁾ L. 147/2019, 1. gr. ³⁾ L. 129/2004, 133. gr. ⁴⁾ L. 83/2021, 1. gr. ⁵⁾ L. 177/2000, 2. gr.

II. kafli.

Umsókn.

■ 3. gr.

□ [Umsókn um endurgreiðslu framleiðslukostnaðar skal send nefnd um endurgreiðslur vegna kvikmyndagerðar, sbr. 2. mgr. Umsókn um endurgreiðslu, ásamt fylgigögnum, skal berast áður en framleiðsla hefst hér á landi.

□ Ráðherra skipar nefnd um endurgreiðslur vegna kvikmyndagerðar og skulu ráðherra sem fer með kvikmyndir og ráðherra sem fer með fjárreiður ríkisins og fjármál tilnefna sinn fulltrúa hvor, en sá þriðji skal skipaður án tilnefningar og vera formaður nefndarinnar. Varamenn skulu skipaðir á sama hátt. Atkvæði formanns ræður úrslitum falli atkvæði jöfn.

□ Nefnd skv. 2. mgr. fer yfir umsóknir um endurgreiðslur. Ef nefnd um endurgreiðslur telur umsókn uppfylla skilyrði fyrir endurgreiðslu vegna kvikmyndagerðar skal hún veita umsóknaraðila vilyrði fyrir endurgreiðslu, ella skal umsókn hafnað.]¹⁾

¹⁾ L. 58/2016, 1. gr.

Skilyrði endurgreiðslu.

■ 4. gr.

□ [Við mat á því hvort endurgreiða skuli hlutfall af framleiðslukostnaði kvikmynda eða sjónvarpsefnis skal eftirfarandi skilyrðum vera fullnægt:

a. [að viðkomandi framleiðsla sé til þess fallin að koma íslenskri menningu á framfæri, kynna sögu lands eða náttúru eða að viðkomandi framleiðsla sé til þess fallin að stuðla að aukinni reynslu, þekkingu og listrænum metnaði þeirra sem að framleiðslunni standa],¹⁾

b. [að viðkomandi framleiðsla uppfylli þau menningar- og framleiðsluskilyrði sem fram koma í reglugerð sem ráðherra setur skv. 8. gr.],²⁾

c. [að bókhald og uppgjör hvers verkefnis sé sérstaklega aðgreint frá öðrum verkefnum þannig að ávallt sé unnt að greina þann kostnað sem tilheyrir hverju verkefni fyrir sig],³⁾

d. að fyrir liggja upplýsingar um helstu aðstandendur kvikmynda eða sjónvarpsefnis,

e. að fyrir liggja upplýsingar um innlenda aðila og hlutdeild þeirra við framleiðslu kvikmynda eða sjónvarpsefnis,

f. að fyrir liggja sundurliðuð áætlun um framleiðslukostnað og fjármögnun, auk staðfestingar fjármögnunaraðila, ásamt greinargerð umsækjanda um að framleiðslan falli að markmiðum laganna,

g. að fyrir liggja upplýsingar um efni fyrirhugaðrar framleiðslu kvikmynda eða sjónvarpsefnis, svo sem handrit og upplýsingar um tökustaði,

h. [að fyrir liggja hvernig staðið verði að almennri dreifingu],¹⁾

i. að efni kvikmynda eða sjónvarpsefnis stríði hvorki gegn ákvæðum laga [um eftirlit með aðgangi barna að kvikmyndum og tölvuleikjum]²⁾ né ákvæðum almennra hegningarlaga um klám,

[j. að ekki séu fyrir hendi vangreiddir skattar eða gjöld til ríkis eða sveitarfélaga eða aðrar vangoldnar kröfur hér á landi vegna framleiðslunnar; [leggja skal fram gögn um greidda staðgreiðslu eða um undanþágu frá skattskyldu hér á landi]³⁾].¹⁾

□ Verði breyting á áætlunum framleiðslukostnaði, sbr. flið 1. mgr., eftir að framleiðsla hefst skal [nefnd um endurgreiðslur]³⁾ send ný kostnaðaráætlun.

□ Við mat á umsókn um endurgreiðslu skal nefnd skv. 3. gr. hafa heimild til þess að afla álits sérfróðra aðila [um skilyrði endurgreiðslunnar].¹⁾

□ [Auglýsinga- og fréttatengt efni, stuttmyndir, upptökur af íþróttaviðburðum og skemmtunum, efni sem fyrst og fremst er ætlað til kynningar á tiltekinni vöru eða þjónustu, svo og framleiðsla efnis sem fyrst og fremst er ætlað til sýninga í eigin dreifikerfi, skal eigi njóta endurgreiðslu samkvæmt lögum þessum.]¹⁾

□ Nú er framleiðslu kvikmynda eða sjónvarpsefnis ekki lokið innan þriggja ára frá dagsetningu vilyrðis fyrir endurgreiðslu sem veitt er á grundvelli 3. gr. og fellur þá vilyrðið úr gildi. [Þegar sérstaklega stendur á getur nefnd um endurgreiðslur, sbr. 3. gr., veitt undanþágu frá þessu skilyrði í að hámarki fimm ár frá dagsetningu vilyrðis.]¹⁾

□ [Við sýningu á myndefni sem hlotið hefur endurgreiðslu samkvæmt lögum þessum skal koma fram að framleiðslan hafi hlotið stuðning frá íslenska ríkinu, eins og nánar skal útfært í reglugerð sem ráðherra setur skv. 8. gr.

□ Þeir sem njóta endurgreiðslu skulu veita Íslandsstofu, henni að kostnaðarlausu, aðgang að kynningarefni sem teng-

ist verkefninu svo nýta megi það við markaðssetningu. Upplýsa ber um hömlur sem kunna að vera á notkun kynningar-efnis.]²⁾⁴⁾

¹⁾ L. 158/2011, 3. gr. ²⁾ L. 83/2021, 2. gr. ³⁾ L. 58/2016, 2. gr. ⁴⁾ L. 159/2006, 1. gr.

III. kafli.

Endurgreiðsla.

■ 5. gr.

□ [Hlutfall endurgreidds framleiðslukostnaðar skal vera [25%]¹⁾ af framleiðslukostnaði skv. 2. gr. [og 5. gr. a].²⁾

□ [Nefnd um endurgreiðslur skal send beiðni um útborgun og skal nefndin ákvarða endurgreiðslur skv. 3. gr. Berist beiðnin eftir að sex mánuðir hafa liðið frá lokum framleiðslu kvikmyndar eða sjónvarpsefnis skal hafna henni. Lok framleiðslu teljast vera í síðasta lagi við frumsýningu. Þegar um framleiðslu þáttaraðar er að ræða teljast lok framleiðslu vera við frumsýningu síðasta þáttar í stakri þáttaröð.]²⁾

□ ...³⁾

□ [Skilyrði endurgreiðslu er að umsækjandi færi bókhald vegna þess kostnaðar sem hann æskir endurgreiðslu á í samræmi við lög um bókhald og falli félagið undir lög um ársreikninga skulu reikningsskil félagsins vera í samræmi við þau lög.

□ Nemi endurgreiðsla lægri fjárhæð en 3 millj. kr. skal stjórn og framkvæmdastjóri umsækjanda staðfesta að kostnaðaruppgjör sé í samræmi við ákvæði laga þessara og reglugerða settra á grundvelli þeirra. Nemi endurgreiðsla hærrí fjárhæð en 3 millj. kr. skal kostnaðaruppgjör verkefnis staðfest af endurskoðanda sem jafnframt skal staðfesta, ásamt stjórn og framkvæmdastjóra umsækjanda, að uppgjörð samræmist lögum þessum og reglugerðum settum á grundvelli þeirra.

□ Nefnd skv. 3. gr. getur óskað eftir þeim upplýsingum frá skattyfirvöldum og úr bókhaldi félagsins sem henni eru nauðsynlegar til að staðreyna kostnaðaruppgjör umsækjanda. Sé kostnaðaruppgjör og/eða fylgigögn þess ófullnægjandi skal nefndin veita umsóknaraðila frest til að skila inn fullnægjandi gögnum. Berist nefndinni ekki fullnægjandi gögn að loknum veittum fresti eða bendi gögn málsins til þess að kostnaðaruppgjör sé ekki í samræmi við ákvæði laga þessara skal nefndin hafna beiðni um endurgreiðslu.]²⁾⁴⁾

¹⁾ L. 58/2016, 3. gr. ²⁾ L. 83/2021, 3. gr. ³⁾ L. 158/2011, 4. gr. ⁴⁾ L. 177/2000, 5. gr.

■ [5. gr. a Framleiðslukostnaður sem myndar stofn til endurgreiðslu.

□ Framleiðslukostnaður sem myndar stofn til endurgreiðslu telst vera kostnaður:

a. sem heimilt er að draga frá tekjum af atvinnurekstri samkvæmt ákvæðum laga um tekjuskatt,

b. sem fellur til hér á landi við framleiðslu kvikmynda eða sjónvarpsefnis, og eftir atvikum í öðru aðildarríki samningsins um Evrópska efnahagssvæðið auk Grænlands og Færeyja, sbr. 2. mgr. 2. gr., og

c. sem tengist undirbúningstímabili, aðalframleiðslutímabili eða eftirvinnslutímabili framleiðslu.

□ Framleiðslukostnaður skal skráður í fjárhagsbókhald umsækjanda.

□ Þrátt fyrir 1. mgr. telst eftirtalinn kostnaður ekki vera hluti af stofni til endurgreiðslu:

a. kostnaður sem fellur til eftir að framleiðslu er lokið skv. 2. mgr. 5. gr.,

b. kostnaður sem greiddur er til aðila sem ekki eru skattskyldir hér á landi, sama hvort um er að ræða laun, verktakagreiðslur eða greiðslur vegna veittrar þjónustu eða vorkaupa, sbr. þó 2. mgr. 2. gr.,

c. kaup eða afskriftir af varanlegum rekstrarfjármunum eða eignum vegna framleiðslunnar,

d. kostnaður, svo sem óbeinn stjórnunarkostnaður, hlutdeild í rekstrarkostnaði eða framlag til framleiðanda, sem metinn er sem hlutfall af veltu móðurfélags, fari framleiðsla fram hjá dótturfélagi,

e. kostnaður skráður á grundvelli reikninga milli aðila sem tengjast framleiðslunni eða vegna hagnýtingar á búnaði og aðstöðu sem ekki er á markaðsvirði,

f. sektir eða greiðsla opinberra gjalda eða skatta.]¹⁾

¹⁾ L. 83/2021, 4. gr.

■ [6. gr. Kæruleiðir.

□ Ákvörðun nefndar um endurgreiðslur skv. 3. og 5. gr. er kæranaleg til ráðuneytisins, sbr. 1. mgr. 26. gr. stjórnisýslulaga.

□ Ákvörðun nefndar ...¹⁾ er varðar mat á því hvað teljist vera framleiðslukostnaður skv. 3. mgr. 2. gr. [og 5. gr. a],¹⁾ fjárhæð endurgreiðslu eða hvað teljist vera heildarframleiðslukostnaður er kæranaleg til yfirsattanefndar.

□ Kærufrestur skv. 1. og 2. mgr. er 30 dagar og reiknast frá dagsetningu ákvörðunar nefndar um endurgreiðslur vegna kvikmyndagerðar.]²⁾

¹⁾ L. 83/2021, 5. gr. ²⁾ L. 58/2016, 4. gr.

■ [7. gr.]¹⁾

□ [Hafi umsækjandi hlotið styrk [frá opinberum aðilum]²⁾ til framleiðslu sömu kvikmyndar eða sjónvarpsefnis dregst styrkurinn frá þeirri upphæð sem telst innlendur framleiðslukostnaður.

□ [Samanlagður styrkur opinberra aðila og heildarfjárhæð endurgreiðslu skv. 5. gr. skal ekki fara yfir 85% af heildarframleiðslukostnaði sömu kvikmyndar eða sjónvarpsefnis.]²⁾³⁾

¹⁾ L. 58/2016, 4. gr. ²⁾ L. 158/2011, 5. gr. ³⁾ L. 177/2000, 7. gr.

IV. kafli.

■ [8. gr.]¹⁾

□ [[Ráðherra]²⁾ setur reglugerð³⁾ um framkvæmd laga þessara. [Í henni skal m.a. kveðið á um framkvæmd endurgreiðslna samkvæmt lögum þessum, heimildir nefndar um endurgreiðslur til að fresta endurgreiðslum sem kunna að vera umfram fjárveitingar Alþingis hverju sinni, skilyrði endurgreiðslna, aðgreiningu bókhalds skv. c-lið 1. mgr. 4. gr., umsóknir, afgreiðslu umsókna, [menningar- og framleiðsluskilyrði skv. b-lið 1. mgr. 4. gr., útfærslu stuðnings skv. 6. mgr. 4. gr., kröfur varðandi staðfestingu endurskoðanda á grundvelli 5. mgr. 5. gr.]⁴⁾ og um ákvörðun um endurgreiðslu.]⁵⁾⁶⁾

¹⁾ L. 58/2016, 4. gr. ²⁾ L. 126/2011, 286. gr. ³⁾ Rg. 450/2017, sbr. 346/2020. ⁴⁾ L. 83/2021, 6. gr. ⁵⁾ L. 58/2016, 5. gr. ⁶⁾ L. 177/2000, 8. gr.

Gildistaka.

■ [9. gr.]¹⁾

□ Lög þessi öðlast þegar gildi. [Lögin falla úr gildi 31. desember [2025].²⁾ Endurgreiðslubeiðnir sem samþykktar hafa verið fyrir þau tímamörk halda þó gildi sínu.]³⁾

¹⁾ L. 58/2016, 4. gr. ²⁾ L. 83/2021, 7. gr. ³⁾ L. 58/2016, 6. gr.

■ [Ákvæði til bráðabirgða. ...]¹⁾²⁾

¹⁾ L. 58/2016, 7. gr. ²⁾ L. 159/2006, 3. gr.